

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Inimicos nostros vti Christi exemplo diligamus eisqúe bona pro malis
referamus.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

Psalm. 54. *Si inimicus meus maledixisset mihi, sustinuisse vtiique. Et si is qui oderat me, super me magis a locutus fuisset, abscondisse me forsan ab eo. Tu vero homo vnanus, dux meus & notus meus. Qui simul dulces mecum capiebas cibos, &c. Tertio dolorem auxit, quod sub fraudulento signo pacis, & sub simulaclae fiebat amicitiae signum, quo simul Christo vehementer illuditur, eiusq; contemnitur sapientia. Nam quasi nescientem Christum, aut quid moliretur non intelligentem, credebat se fallere. Non igitur solum tradebat Christum, sed illum quoque despiciebat, imo negabat. Nam si vere eum, qui est, Dei filium & Christum credidissent, sciret proculdubio quod illum nihil coelare potuisset. Ut vili igitur ac ignavo homini Christo imponere voluit Iudas, ac tanquam magum decipere, dum pessimum agendo hostem, simularer amicum. Quartio, quod a foetido ore huius perfidi proditoris osculum recepit. Multo enim grauior Christo intolerabilior ipso erat fœtor oris illius, cuius cor diabolus iam malitia oppleuerat, quam eius qui putentem alteri cuipiam hominum anhelitum oris porrigit. Considera tertio, quam benigne se Dominus ad osculum Iesu quanta suscipiendum inclinat, osculumq; eidem (vt creditur) præberet, se osculant, dicens: *Amice ad quid venisti?* Solet haec dictio in sacra scriptura saepenumero ironice in malam accipi partem, vt ibi: *Amice, quomodo hue intrasti, non habens vestem nuptiale?* Et alibi: *Amice, non facio tibi iniuriam.* Et hic: *Amice ad quid venisti?* Amicum tamen non nominat, quo se, si penitente voluerit, paratum ad recipiendum illum ostendat. Ad quid venisti? Oscularis, & sub amicitiae signo tu insidiaris vitæ meæ. Veruntamen ne me falli putes Iuda, osculo filium hominis tradis. Scio quid agis, non mihi obscurum est quod versatur in corde tuo. Veruntamen fili mi reuertere ad penitentiam, & recipiam te: nec peccati tui recordabor amplius, sed sanguine te etiam meo lauabo, quem tu vendidisti.*

Inimicos nostros vti Christi exemplo diligamus, eisq; bona pro malis referamus.

A Vdita mansuetudine tanta Domini saluatoris, piissimi Iesu, magni Domini, creatoris mundi, super nequissimo traditore suo, quis no emolliatur pietate in corde suo erga suum (si quem habet) inimicum? Quis posthac auerabitur suum proximum? Quis te laetit frater magis, quam læsus à Iuda est Christus? Indulxit ille, ignoruit, ad osculum recepit, benigne allocutus est, peccatum illius non exprobrauit: sed quod occultum putauerat, se non latere ipse manifestauit: atque ad penitentiam, ad gratiam, ad veram inuitauit reformandam amicitiam. Hæc sunt quæ Christus te docuit. Eius igitur amore, eius exemplo, in tuo proximo, si fortasse inimicus fuerit, tu quoque ipsum imitate. Magis stude inimicum tuum verborum lenitate officiōtq; charitatis, quam verbis pungitiuis placare. Dissimulando iniuriam ac obliuiscendo, ipsum tibi curato reconciliare, non aut verborum asperitate, aut retributione malorum, ad maiorem amaritudinem exasperare. Ibi enim illum lucraris, & teseras. Hic utrumque perdis. Magna nobis est (si recte attendimus) ignominia, quod nos aduersus eos, vel qui nobis non arrident, vel qui toruo apiciunt vultu, aut verbulo aliquo offendunt, ira ita excadescimus, ut vix valeat nos quis reconciliare. Quid enim faceremus, si nos proditorem quem

Inimicos
nostros vti
exemplo
Christi pla-
care debea-
mus.

quempiam qui in mortem nos traderet, in ipso actu exercitiove proditionis inneniremus? Nonne illum dispereremus? Verum quid Christus fecerit audistis, erga quem non sumus digni ut vocemur terrae puluisculi. *Eius igitur exemplo fraudes machinationesq; dolos, simulatas quoque erga nos amicitias patienter prudenterq; discamus sustinere. Imo si Christo cupimus gra-* Traditioni
gratia, si quid ab eo, in quem tu contulisti beneficia, aut de quo sperabas meliora, pateris infidelitatis, aut si alium se ille atque pollicebatur aut quam tu credebas, prestat, puta, verbis signisq; volens credi amicus, dum hostem se gerat clandestinum: hunc dum deprehendis, ut vicem Christo aliquam rependas, gratias aga-
non auferis: sed benignum vultum, sermonemq; eidem mansuetum cum officijs amicitiae, ac si nunquam fuissest inficiatus, rependas. Secundò discen- mus opere.
dum est exemplo Christi, non palam confutare eos, qui in nos delinquunt, aut nobis iniqui sunt & infideles, praesertim quamdiu peccatum eorum occultum est: verum eorum improbitatem patienter feramus oportet propter Deum. Tertiò, Quomodo Christus saepius Iudam generalibus & singulari- bus monuit verbis ad illius correctionem, ita nos quoque ubique possumus, benignis verbis & affectu charitatis studeamus, licet nos offendentes, ad meliora cohortari.

IESUS HOSTEM CURAVIT Artic. X.

Tunc accesserunt, & manus iniecerunt in Iesum, & tenuerunt eum. Videntes autem hi qui circa ipsum erant, quod futurum erat, dixerunt ei: Domine si percutimus in gladio? Simon ergo Petrus unus ex his qui erant cum Iesu, habens gladium, eduxit eum, & extendensque manum suam, & percutiens serum principis sacerdotum, amputauit auriculam eius dextram. Erat autem seruo nomen, Malchus. Respondens autem Iesus, ait: Sinite usque huc. Dixit ergo Iesus Petro: Conuerte gladium tuum, & mitte in vaginam in locum suum. Omnes enim qui acceperint gladium, gladio peribunt. Calicem quem dedit mihi Pater, non vis ut bibam illum? An putas, quia non possum rogare patrem meum, & exhibebit mihi modo plusquam duodecim legiones angelorum? Quomodo ergo implebuntur scripturæ? quia sic oportet fieri. Et cum tetigisset auriculam eius, sanauit eum.

HOMILIA X.

Dominus Iesu per osculum à Iuda prodito, cum viderent hi qui cum Iude erant, hoc est apostoli, quid esset futurum, hoc est, quod pararent se, accederentq; hostes ad capiendum Iesum, interrogabant Dominum, an vellet ut gladio percuterent. Petrus licet interrogasset, feruentior tamen ze- lo fuit